

Kalaallinut Danmarkimiittunut assigiinngisitsineq – ajornartorsiu arajutsisaq

Danmark aamma Kalaallit Nunaat oqaluttuarisaanermik ataatsimoorussaqarput. Tassaavoq oqaluttuarisaaneq assigiinngitsunik katitigaq pissaneqarnermi pissutsinik naligiiinngitsunik aallaaveqartoq. Naallu nunat taakku marluk akornanni pissutsit ajunngikkaluartut oqaluttuarisaanerup pitsaanngitsortai suli takussutissaqarput.

Ullutsinni kalaallit amerlasuut inuunermi ilaa imaluunniit tamaat Danmarkimi atortarpaat. Danmarkimi ilinniartuusut imaluunniit sulisusut. Amerlasuut Danmarkimi ajunngitsunik misigisaqartarput, ajoraluartumilli tamarmiunngitsut. Ajoraluartumillu pigiliutiinnakkakanik isumaqarneq kalaallinullu assigiinngisitsineq nassuaatissap ilagisinnaavaa.

Danmarkimi inuit amerlasuut paasinninnerat naapertorlugu race tunngavigalugu nikassaaneq inunnik aaliangersimasuinnarnik eqquisinnaavoq. Taanna pissutigalugu race tunngavigalugu nikassaaneq aamma akornatsinniuttoq takkuitsoorsinnaasarparput - assersuutigalugu kalaallinut.

Taamaattumik kalaallinut Danmarkimiittunut pigiliutiinnakkamik isumaqartarneq assigiinngisitsinerlu qimannissaat maanna piffisanngorpoq. Nikassaarpasissunik oqaaseqartarnerit pigiliutiinnakkaniillu isumaqartarnerit assigiaamik periaaseqartut akuerisinnaanngikkigut. Qanumut innimiginntumillu atassuteqarneq illugiilluni innimiginnernermik naligissuseqarnermillu toqqammaveqarpoq. Kalaallinut pigiliutiinnakkakanik isumaqartarnerup assigiinngisitsinerllu qimannissaat nunat akornanni pissutsit nutaamik siunnerfeqartilernissaat pillugu suliat ingerlaavartut ilagissavaat.

Taamaattumik Danmarkimi naalakersuisut kalaallinut race tunngavigalugu nikassaaneq pigiliutiinnakkaniillu isumaqartarnerit akiorniarlugit malunnartumik ataavartumillu suliaqarnissaq aallartinniarpaaat. Danmarkimi naalakersuisut ilaatigut naalagaaffiup ataani immikkoortortamik pilersitsiniarpoq naalagaaffiup kalaallinut maani Danmarkimi najugalinnut assigiimmik pinnittarnissamik suliaqarneranik ataqtigiiressaarisussamik. Tassunakkut kalaallit Danmarkimiittut pillugit suliat ataqtigiiressaarnissaannut ajunnginnerusumik perarfissaqalissaq, Kalaallit Nunaanni Naalakersuisunik suliaqarfimmilu aallussisunik qitiusunik assigiimmik pinnittarneq pillugu illugiilluni oqaloqatigiittarnissamut aqqutissiuussissaq, kalaallillu Danmarkimiittut pillugit assigiimmik pinnittarneq pillugu ilisimasat immikkut ittut ineriartortinnissaanut ilanngusseqataassalluni.

Danmarkimi naalakersuisut race tunngavigalugu nikassaanerup akiornissaa pillugu iliuuserisassat pilersarissaannut tunngatillugu aningaasat immikkoortinnejareersimasut saniatigut Danmarkimi naalakersuisut aaliangiuppaat ukiuni 2025-2028 kalaallinut maani Danmarkimi najugalinnut assigiinngisitsinerup akiornissaanut sinaakkutissaq suli alla katillugit 35 mio. kr.-usut immikkoortinniarlugit.

Naalagaaffeqatigiiffitsinni kinanguugaluarpalluunniit kikkut tamarmik innimiginntumik torersumillu pissuseqartumik pineqartarnissaasa qularnaarnissaanut tamatta ataatsimut isumagisassaqarpugut. Aamma sumiluunniit najugaqaraluaraanni. Danmarkimi naalakersuisut aallarniissutit 12 tigussaasut aqqutigalugit naalagaaffeqatigiinnerup iluani nunat inuisa akornanni tatiginninneq patajaallisarniarpa kalaallinut Danmarkimiittunut race tunngavigalugu nikassaanerup assigiinngisitsinerllu tigussaasumik akiornerisigut.

Aallarniissutit tigussaasut

1. Naalagaaffiup kalaallinut Danmarkimi najugalinnut assigiimmik pinnittarnissamik suliaqarneranik ataqtigiiissaarineq akisussaaffigalugu naalagaaffiup ataani immikkoortortamik pilersitsineq

Danmarkimi naalakkersuisut kalaallit Danmarkimiittut assigiimmik pineqartarnissaat patajaallisarniarpaq naalagaaffiup ataani immikkoortortamik nutaamik pilersitsinikkut, kalaallit Danmarkimiittut assigiimmik pineqartarnissaannik naalagaaffiup suliaqarneranik ataqtigiiissaarinermik akisussaaffeqartumik. Immikkoortortaq kalaallit assigiimmik pineqartarnissaat anguniarlugu siunnerfeqarnerusumik ataqtigiiissaagaanerusumillu sulisoqarnissaanut peqataassaaq.

2. Kalaallit passiannik pisinnaatitaaneq

Passi inuup suminngaanneersuuneranik taamalu aamma inuiaqatigiinnikkut kinaassutsimik nalunaaqqutaavoq ersarissoq. Danmarkip naalakkersuisuisa kalaallit kalaaliussutsiminnik misigisimancerat immikkuullarittusoq paasilluakuttoorsinnaavaat, tamannalu pillugu kalaallit passiini inuiaassuseq maannamiit kalaliusutut allassimasinnaanissaanik periarfissiisimallutik.

3. Kalaallit atuartut atugaannik efterskolenik illugiilluni oqaloqatiginnitarneq

Kalaallit inuuusuttuaatillutik inuttut ilusinikkiartornerup nalaani ukioq ataaseq Danmarkimut efterskoleriartortut kingoqqisuunertik pissutigalugu pigiliutiinnakkamik isumaqarnerit annernartumik nalunaaqqutserinartut assiginngisitsinerlu naaperatarsinnaassanngilaat. Taamaamat Danmarkimi naalakkersuisut efterskolet peqatigiffiannik illugiilluni oqaloqateqartalernissaq aallarnerniarpaq kalaallit inuuusuttu efterskolernerup nalaani atugarisaasa inuunermilu atugarissusaasa eqqumaffigineqarnerat annertunerulersinniarlugu.

4. Naalagaaffeqatigiinneq pillugu pinngitsuugassaanngitsumik ilinniartinneqarneq

Inuit akornanni akaarinninnerulernissamut assiginngisitsinerullu millisarnissaanut akornutaasut annersaasa ilaat tassaavoq ilisimasaqannginneq. Danmarkimi naalakkersuisut ukioq atuarfiusoq 2023/2024 aallarnerfigalugu meeqqat atuarfianni oqaluttuarisaanermik najoqqutassi Amalikup Avannaa aamma naalagaaffeqatigiinneq pillugit pinngitsuugassaanngitsumik ilinniartinneqarneq eqquessimavaat. Anguneqarusuttoq tassaavoq naalagaaffeqatigiinneq pillugu pinngitsuugassaanngitsumik ilinniartitsinermi kinguaariit inuuunnerusut naalagaaffeqatiginnerup oqaluttuarisaanera pillugu ilisimasaqarnerulerlillu paasisaqarnerulernissaat qularnarneqassasoq, ilanngullugit piffissap ingerlarnani akeruusimasut.

5. Kalaallit ilinniagaqartut inuunermi atugarissusaat pillugu suleqatigiinneq

Kalaallit ilinniagaqartut Danmarkimi ilinniagaqartutut inuunermi misigisaat pillugit Inuit Pisinnaatitaaffi pillugit Institutsimit nalunaarusiamerseqqissarneqarpoq kalaallit ilinniagaqartut danskit ilinniagaqarnermi pissusaanni pigiliutiinnakkanik isumaqarnernik naapinneqartartut. Nalunaarusiamer tamakku nangitsiviusumik ilinniartitaanerni inuunikkut atugarliornermut atatinneqarput. Uddannelses- og Forskningsministeriaqarfip nangitsiviusumik ilinniartitaanernik ingerlatsiviit qitiusimillu aallussisut allat, ilanngullugit kalaallit illuutaat ilinniagaqartullu kattuffiat Avalak, suleqataaffigisaannik pilersitsiniarpoq, kalaallit ilinniagaqartut Danmarkimi nangitsiviusunik ilinniartitaanerni inuunermi atugarissusaat patajaallisarniarlugu. Suleqatigiiffimmi anguniagaassaaq unamminartut pillugit illugiilluni oqaloqatigiittarnissaq paasisimasanillu avitseqatigiittarnissaq, suliniutissat aallarnisarneqartussallu tigussasut attuumassuteqartut suusinnaanersut paasiniarneqarlutik aammattaaq suliaqarfimmi ineriartornermik malinnaaneq.

6. Kalaallit pillugit aningaasat agguagassat

Inuaqatigiit sakkutujunngitsut akornanni assigisaannilu suliniutigineqartunut siunnerfeqartumik aningaasanik agguagassanik pilersitsisoqassaaq, suliniutit kalaallinut maani najugalinnut pigiliutiinnakkanik isumaqartarnernut assigiiungisitsinermullu akiuinissamik aallussillutik anguniagallit tapersorsorniarlugit.

7. Kalaallit Danmarkimiittut oqalutseqartinneqartarnerat annertusarneqassaaq

2024-mut aningaasanut inatsimmut isumaqatigiissut tunngavigalugu piffissami 2024-2027 Atlantikup Avannaanut agguagassanit 6 mio. kr. aningaasaliissutigineqassapput, kalaallit Danmarkimiittut oqalutseqartarnissaannik ilisimasaqarneq tamatumalu ingerlatitseqqinnissaa siammerterneqarlunilu annertusarneqarnissaa siunnerfigalugu. Pitsaasumik oqalutseqarneq paatsuuinernik ikilisaqataasinhaavoq kalaallinullu Danmarkimiittunut pissusilersorneq ajunnginnerulersissinnaallugu.

8. Oqalutsit pikkorissaanerni peqataasinnaaqquullugit atukkat pitsaanerusut pilersinniarlugit periarfissanik qulaajarneq

2024-mut aningaasanut inatsimmut isumaqatigiissut tunngavigalugu piffissami 2024-2027 Atlantikup Avannaanut agguagassanit 6 mio. kr. immikkoortinneqarput kalaallinut Danmarkimiittunut oqalutseqarneq pillugu nalunngisaqarneq ingerlatitseqqinnerlu pillugit qinnuteqartunut agguagassatut. Aningaasat aamma oqalutsit piginnaasaannik qaffassaanermut atorneqarsinnaapput, ass. pikkorissaanikkut. Tamatuma saniatigut Danmarkimi naalakkersuisut misissorumavaat oqalutsit kalaallinut oqaluttaasartut piginnaasaasa qaffassarnissaat anguniarlugu pikkorissaanerni peqataasarnissaannut atukkat pitsaanerusut pilersinneqarsinnaannginnersut. Suliassami tassaniittumi pikkorissaanerit nalaanni oqalutsit aningaasarsianik annaasaminnik taarsiivigineqarsinnaanerannut periarfissat qulaajarneqarnissaat anguniarneqassaaq.

9. Kalaallit Danmarkimi najugaqartut akornanni race tunngavigalugu nikassaaneq misigineqarsimasoq pillugu misissuineq

Kalaallit race tunngavigalugu nikassarneqartarnerat qanorlu siamasitsiginera pillugu ilisimasat malunnartumik annertusarneqassapput. Taamaattumik misissuineq annertooq kalaallinut Danmarkimi najugaqartunut race tunngavigalugu nikassaanermik misigineqarsimasumik paasinarsaasinnaasoq naammassineqassaaq.

10. Assigiiungisitsineq misigigaanni kalaallisut ikiorneqarnissamik periarfissaq

Inuit Pisinnatitaaffi pillugit Institutsip siunissami Diskriminationslinje-mut kalaallisut saaffiginnittooqarsinnaanera qularnaassavaa. Linje taanna siunnersorneqarnissamut periarfissaavoq inunnut assigiiungisitsinermik misigisaqarsimasunut saaffiginnittooq.

11. Kalaallit Danmarkimiittut suliffeqanngitsut suliffeqalernissaannut suliniarnerup annertusinissaa pillugu agguagassanik ingerlatitseqqinnej

Kalaaliugaanni Danmarkimiittoq sulilernissamut akimmiffissaqarsinnaavoq immikkut ittunik. Taamaattumik agguagassat kalaallinut suliffeqanngitsunut immikkut suliniarnermut immikkoortinneqarsimasut ingerlatitseqqinnejqassapput, kommunit suliaqarfimmi 2026 sulinerannik aamma tapersersuisinnaaqquullugit.

12. Kalaallit Illuutaasa sulinerannut tapiissutit amerlanerusut

Danmarkimi naalakkersuisut Kalaallit Illuutaannut Aalborgimi, Aarhusimi, Københavnimi aamma Odensemiittunut ingerlatsinermut tapiissutissanik immikkoortitserusupput.

Tamatuma saniatigut danskit naalakkersuisuiniut pingaarpooq kalaallit maani Danmarkimi najugallit inuiaqatigiinnikkut ikinnerussuteqartutut akuerineqarunnersut misissoqqullugu Naalakkersuisut danskit naalakkersuisuiniut inassutaata

qanoq sapinngisamik pitsaanerpaamik isumagisinnaanissaanut Kalaallit Nunaata Danmarkillu ataatsimoorlutik eqqartuinissaannut toqqammavissat sapinngisamik pitsaanerpaat pilersissallugit.